

# SMEs Anishnabek mamowi kakina ka kendik



Kina odimtamigwamik ka agashnojac, mino minigik ka inikwak koni ka mishak, kawin tigosinin ka ikidinanik, kakina pejigon ikwa animodimin wedi anishnabe eh ija kishkitok. Ka agashnoshak mamowi mino minigik ka ikwak odimtawin (SMEs) anishnabe minijack, oda kishki nigishkan keh siniganik koni keh kabako-gotc megwatc ma pidigehzinazowatc weni.

Tedigo kotabidini anishnabe eh-ija kendik koni eh-ija kishkitok, ndendagoni kidja minibidehnik weni koni kidja mishkwezimiginik odadawagomigok. Nda kendin adi ketodimiban kidja kinendimin wewenda koni kidja kendagok kidada-awesidowan, kidja kishka widokotc kida anishnabemik koni anishnabe odimtawinik.



## 1. Nangakwen agwa kidja kimodimigowin kidi-nishnabe inakonigewin mamowi wedi copyright ka ijinkadomowatc. Keh abidik mizinigan agwa kidja keknawabidjigadek kidodimitawin

Copyright yedi ka ijinkadek, kida kishkiton kidja atowin yedi mizinigan agwa wikat kidja kimodimigowin koni kidja kekinawabidjigadek kidodimitawin, tapishkot, nigimon, mizinibigan mizinazowin, agwa kidja papigidinimowatc koni kidja wabidiyewatc kinigeh awesh. Copyright yedo ka ijinkadek, kida kishka actic aton ima kidinozowin kidja kishka meshkodjitowin kegon ikidomigik keh pikiteshkatgotc awedi kago ojitok yeni ka animodagonik. Megwatc yedi wintcikeh copyright mosemigik kegon ma-ojitowin, panima kiga gwedeh kidja kishka atcigadek ima mizinigan kidja kinendimowatc wewenda kidoshtcigani.

*Oma* kiyabitc windikendimin copyright ka ijinkadek.

## 2. Industrial Design kodik ijinkadeh keh kishka abidjitowiban kidja kinendamin wewendah adi keh ijinagok koni keh ipitigik kagi ojitowin

Ka mishak ojtcigadek (Patents Design ijinkadjigadeh kodigin awesh) minowashik dish koni kinesh keh kinendjigadek, kan nigok agwa minosek, kinoweh eh-ijanagok koni- eh-ijigik miya ka nidinigadek kan win aneh-eseke koni etodejigemigik. Industrial Design Rights kah ijinkadegan, takishka abidin ishpin maneh kegon adaweyin, tibindjibizin, napkaginiyabi koni asini abidjic koni actic anikadjigan.

*Oma* kiha mikan notc Industrial Design Rights ka ijinkadek.

## 3. Pidigezinadin weshkitc anishnabemowin kagi abidik, nozowinin mamowi ojibiganan, kidja kinendago kinendasimigwamik

Kinoweh notc ta nisowinigadeh ki-dodimitawin koni kegon kagi ojitowin kin-tibinoweh, koni gotc atsokewin, nozowinin, kegon gotc kagi pi kinamagewin, kinowe oda kendanawa eh-pitendagonik anishnaben odja. Nigodin ki-pidigezinazowin, wabidigen kigi-nendwasin mizinigan, kin eh tibendamin actic agwa kodik awik kidja kekinawabidik (®, TM koni ahyi pejigon kegat ka ijinagok koni ka ikwak) kin ki-dadawesidjigan. Ishpin

yedi nigodin ki-abidjitowin, kidja wabidigehwin agonen ka ayamin kidja adaweyin, kinoweh noth ta shonia keh anishnabe SMEs.

*Oma* kinoweh kiyabitc winda kendimin wedi.

#### **4. Nda kendin agonen kan-ndendimin kidja matcatayin wedo odimtawin, adi keh ijawin kidja kinamagoziwin**

Ayamin kegon kidja ikidomigik wedi ehgi kinamagowin, kida kishka abidjiton yedi kidja kiidin ishpin piksek kodik kidja kishka minitc, pejigon dash kidja ijanagonik koni kidja inikwanik. Ishpn wedi mizinamin koni atowin ima kodigini kidja kishka minitc ishpin kegon ijasenik kagi kishpindimak actic kida nisowingadh kinoweh.

#### **5. Aton ima awesh keh ija mikigadek koni keh ija wabidjigadek**

Atowin ima MAP kak, kin kidiyan ima kidja miyosehkidimin. O-midjiminanawa anishnabe midinendjigani actic anishnabe eh-ija kishkitok koni kendik, kida kishka pikansidon kagi ojitowin kin-tibinoweh, ahi abijitowin MAP kidja atowin dish ima adi miya ka odinimin yedi koni adi eh-ija atek. Kida kishka ndoshkazinin actic wedi atowin MAP kak.

*Oma* kinoweh kiyabitc winda kendimin ome ijan.

#### **6. Manotc kinendasin mizinigan kida abidan abidjitowin kidinishnabe kishkitowin**

Kegon oshkeyi ojitowin, eh-ija kishkitowin dish, kida kishka abidjiton kidja mizinakizimin ima kin eh-tibendimin. Mazinakizigan mamowi, awik ka ojitok kegoni, ogishton awik kidja kishka shonia ketc wenibik. Mizinaki-gan mamowi kin kidiyan ima kidja atowin kidinozowin kegon ojitowin (kegon ki ojitowin koni ki-wabidigewin adi eh-todjagadek kegon eh-ijatcagadek koni eh-ijatowin, kegon dish kidja minosek koki). Kidja kishka ayamin yedi mizinakigan, panima kiga pigidinan adi katodimin yedi kidja ojitowin koni

kidja kijendimin kidja kishka mizinakizimin dish ima kidinozowin, kodigit dish awik aga kendan adi kapi odisehmiginik.

*Oma* kinoweh kiyabitc winda kendimin oma.

## **7. Kinendin ka kendimin kagi ojitowin, ahyi abidjiton kinendasin mizinigan ka ijinkadimowatc**

Trade secrets abidjitowin, kigishton ima kidja kibakwamin agwa awik kidja kekinawbidik kidodimitawin, tapishkot agonen ima ka atowin kidja ojitowin yedi. Kawin awik kinidenmasin kidja kimodimik koni kidja abidjiticgadek agwa dish ki-gwedjimigowin. Tapishkot, ishpın agwa mankatc kidja tibadjimowin agonen ima kagi atowin kidja ojitowin, tegotc widimok aneh-pitendagok wedi kidodimitawin koni kegon kikijendimin, widimok adi eh-odasehyin actic anishnabe midinendjigan oma eh-gi abidik.

*Oma* kiyabitc winda kendimin oma.

## **8. Abidjiton agwa ka minosek ogimanodagin odinakonigehwin kidja kopiyodizin**

Anishnabekmamowi odinishnabemin SMEs mamowi odimtaqinik, minowashinik dish odinozowin, ishpın kegon ima mikik pikan koni pejigon ijinagonik kagi ojitok dish anishnabe, oda kishka abidjiton yeni kidja kishka ikiditc agwa win yeni kagi ojitok, eh-gwe adaweñnanok agwa dish win eh-gi ojitok. Kin kidiyan kidja nanagidjitowin kidoshtcigewin agwa kidja kimodimigowin, agwa dish eh-ki kwedjimigowin.

## **9. Abidjiton yedi ka pigidinigadek kidja abijitowin kidja kinendimin wewenda kidodimitawin, mamowi gotc kodigik anishnabek ka odimtawatc**

Misigidagon yedi enowek kidja atowin ima property ight ka ijinkadek, kidja ikidowin kin eh-tibendimin. Megwatc WIPO anishnabe midinendjigan abidik, kawin ogishtosinawa kidja widokwadjin kodigin awin, panima ima kida ijinjowa Anishnabe kak SMEs ka ijinkazowatx kidja widokotc pigi shonia ni mamowi, keh ija kishka widokwaginitc dish. Oma kidka ija mokowehma Anishnabe midinendjigan ka miyodok grtkf@wipo.int.

Ishpin kiyabitc winda kendimin adi eh-ijanagok yedi anishnabe ka widokagotc, odinishnabemin mamowi anishnabe odimtawinik, kijigabidan wedi anamik kamizinadek.

**Kinendin wewnda mamowin kidja wabidjigadek kididawan:**

Kiga wabidigon wedi mizinigan adi ketodimibin kidja atowin ima kagi ojitowin kidja kinendagok wewnda kinah anishnabek odja

**Kidja wabidjigadek kagi kijendamin koni kago ojitowin, odiminowin:** Mamash kidja widokagowin

**Odi kapi todimowatc ishkwiyak:** Anishnabe kagi ojitok koni kagi kijendik

**Kidja mizinamin,** panima kiga tidadjimonin adi eh nabidik koni eh-pitendagok kagi ojitowin, ka agashnojak koni ka mishak adawesidjigin odja

**Kitchi minowashin:** Kidja wabidigehwin adi kah todinimin kidja kijindimin ka wabidigehwin, ka agashnojak koni ka mishak adawesidowin

**Ka madawanagon kidoshtcigin:** Kidja wabidigewin copy right ki-mizinigan mamowi related rights ka ijinkadjigadek, ka agashnijak koni ka ija mishak adawesdjiginini migwamik

**Keh ojitowin odi nigan odja:** Kidja nigansidowin kidja abidjitowin ka mizinakizigemigik, kidja nagok kin eh tibendimin, ka agashnijak koni ka mishak adawesdjiginini migwamik





World Intellectual Property Organization  
34, chemin des Colombettes  
P.O. Box 18  
CH-1211 Geneva 20  
Switzerland

Tel: +41 22 338 91 11  
Fax: +41 22 733 54 28

To contact WIPO's External Offices  
visit [www.wipo.int/about-wipo/en/offices](http://www.wipo.int/about-wipo/en/offices)

© WIPO, 2022



Attribution 4.0 International (CC BY 4.0)

The CC license does not apply to non-  
WIPO content in this publication.

Cover: Getty Images / © Narcis Grigore,  
© Frans Lemmens; unsplash.com /  
© Helen Shi, © Rohit Arora

DOI: 10.34667/tind.46496